



# BAPTIST CHURCH OF MIZORAM

R.No. S.R.1 of 1980-81

(Registered under the Societies Act XXI of 1860)

Serkawn, Lunglei District, Mizoram - 796 691, India.

Website: [www.mizobaptist.org](http://www.mizobaptist.org) E-mail: [generalsecretary@mizobaptist.org](mailto:generalsecretary@mizobaptist.org)

REV. R. LALBIAKLIANA  
General Secretary

*Motto: Gospel For All*

Phone: 9436157483 (M)  
6909497157 (M)

BCM/CEN/ADM/2024-25/112

To,

Tualchung Kohhran Secretary-te,  
Mizoram Baptist Kohhran

Subject: **RAM PUM HUAP, RAM TAN AWMNI KHAMA TAWNGTAI THUPUI**

Rawngbawlpui duhtak,

Kan Lalpa Isua Krista hmingin chibai ka buk a che.

Ka lehkha chhuak hmasa No. BCM/CEN/ADM/2024-25/083 Dated 14<sup>th</sup> June 2024 kaltlanga Assembly 2024 Rorelnain kumin 2024 chhunga ram pum huap, ram tan, awmni khama tawngtai hun hman tura a rel, Administrative Committee June 13, 2024-a thukhawmin September 7, 2024 chawhma dar 11:00 a.m atanga chawhnu dar 3:00 p.m chhunga neih tura a rel hriattirna ka rawn tih chhuah tawh bawhzuiin leh tawngtai thupui leh hun hman dan tur August thla chawhnu lamah hriattir leh tura thu dah anih angin, tawngtai thupui tur leh hun hman dan tur kimchang ka han thawn e. (Please see enclosure)

Mizoram Baptist Kohhran hnuaiia Tualchung Kohhran zawng zawng ten **September 7, 2024 (Inrinni)** hi **ram pum huap, ram tana awmni khama tawngtai ni** atan lo hmang theuh turin ka ngenin ka han hriattir nawn leh a che u.

Lalpa'n hruaiin awmpui che rawh se.



Dated: 7<sup>th</sup> August 2024

Copy for information and necessary action to:

1. Associate General Secretaries
2. Executive Secretaries
3. Bialtu Pastors
4. Bial Secretaries, an Bial chhunga Tualchung Kohhran Secretary-te a lo hriattir theih nan.

I rawngbawlpui,

(REV. R. LALBIAKLIANA)  
General Secretary  
Baptist Church of Mizoram

# **RAM PUM HUAP AWM NI KHAMA RAM TÂNA TAWNGTAI THUPUI**

## **HRIAT TÛRTE**

1. Tualchhông kohhran tinin urhsûn takin he hun hi hman theuh tum ni se.
2. Tawngtai hun a nih ang takin, hruaitu apiangin thu leh hla nei duah lovin, tawngtai nân hun hman tam tum ni se.
3. Tualchhông Kohhran Committee kutah detail programme siam leh tawngtai subject siam belh pawh (tûl an tih chuan) a awm. Tawngtai thupui hi mipui daihin copy siam ni se.

## **TAWNGTAI THUPUI**

### **TAWNGTAI VAWI 1-NA (11:00 A.M - 11:30 AM)**

- 1) India ram rorêltute tân, dik tak leh mipui hmakhaw ngaia ro an rêl theih nân
- 2) India ramah sakhaw zalenna a awm zêl theih nân.
- 3) Sakhuana avânga innêk chêpna, inendawngna leh tihduhdahna a reh tial tial theih nân
- 4) Mi retheite châwikâna an lo awm zêl theih nân.
- 5) India ram State hrang hranga rorêltu Chief Minister-te leh MLA-te tân. Anmahni State-ah mipui hamthatna tûra ro an rêl ngei theih nân.

### **TAWNGTAI VAWI-2-NA (11:30 A.M – 12:00 P.M)**

- 1) Mizorama rorêltute (Ministry) tân, Mizoram tâna tha ber tûra thinlung hmun khat pûa ro an rêl theih nân.
- 2) Chief Minister tân. Sawrkâr hotu ber a ni a, a duh dân leh ngaih dânin awmze thui tak a nei a, ram hmangaihna tak tak nêh, ram hnuk siam tûra Ministry leh ram a kaihhruai theih nân.
- 3) Minister hi 7 kan nei a, an chanvo-ah an lal hle. Dikna leh ram hmasâwnna tak tak rilru pua ram an hrui theih nân.
- 4) Minister of State hi 4 kan nei a. Mawhphurhna bîk chanvo pêk an ni. An chanvo leh mawhphurhna-ah ram tân tihtakzeta an thawh theih nân.
- 5) A bâk zawng MLA 28 kan nei a, thenkhat chu mawhphurhna sâng tak tak pêk an ni. An bial mipuite ngaihsakna tak tak nêh ram an hrui theih nân.
- 6) Kan MLA 40 te hi kan rama eirûkna tibo tûra anmahni ngei an fihlîm theih nân leh eirûkna laka ram an vênhim ngei theih nân.

### **TAWNGTAI VAWI 3-NA (12:00 P.M – 12:30 P.M)**

- 1) Ruihhlovin a tihbui ngawlveite, ruihtheih thil ti thînten an lo sim theih nân.
- 2) Pathian leh khawtlâng pawh zah zo tawh lo, mahni mihringpuite chhiatna tûra ruihhlo zuartute, hlâwkna ringawt ûm lova an an bânsan ngei theih nân.
- 3) Ruihhlo la ti lo naupang leh tleirâwl/râwltharte ruihhlo laka vênhim an nih ngei theih nân.
- 4) Chhôngkaw inrebâwlna fel leh ruihhlo laka kan fihlîm theih nân, chhôngkua leh fanau enkawl pawimawhzia kan than harhpua, tan kan lâk leh zual sauh theih nân.

- 5) HIV/AIDS natna tihbaiawm vei mêktute tân, Pathian tanpuina an dawn ngei theih nân.
- 6) Kan rama ruhhlo ngai te, HIV/AIDS natna vei te enkawltu Home hrang hrangte leh helama mimal leh Kohhran, rawngbâwl mektute tân.

### **CHHÛN CHAWLH (12:30 P.M - 1:00 P.M)**

### **TAWNGTAI VAWI 4-NA (1:00 P.M - 1:30 P.M)**

- 1) Mizoram District hranga hranga Deputy Commissioner-te tân. Dân leh thupêk (Law & Order) fel taka an kalpui theih nân leh an District theuh thataka an enkawl theih nân.
- 2) Aizawl Municipal Corporation (AMC) leh Lunglei Municipal Council (LMC) te tân, Mipui hrêk bet zâwng leh tichêp zâwnga ro rêl lohva, tha taka ro an rêl zâwk theih nân.
- 3) Department hrang hranga Officers (bureaucrat) te tân; Hêng ho hi ram hruainaa a hnuk pawimawh tak an ni a, finna leh rem hriatna an neih a, eirûkna lakahte pawh an fihlîm theih nân.
- 4) Khawtina Village Council Memberte tân. A khawtlâng Development fund an dawnte rinawm leh dik taka hmanga, hna an thawh theih nân leh khawtlang rorêl fel taka an kalpui theih nân.
- 5) Sawrkâr Department hrang hranga Clerk (Clerical work) hna thawktute tân. Hêngho hi file ûmzuitu ber an ni a, mipui tân bahlahna siam lova rinawm leh file ti tâng reng lova chak taka hna an thawh ngei theih nân.
- 6) Sawrkâr Office-a Fourth Grade hna thawk zawng zawngte tân. Office fai thu leh thianghlim thua te, vênhim thu leh kawng hrang hrangah duhdah lova, an hna an thawh tlat theih nân.

### **TAWNGTAI VAWI 5-NA (1:30 P.M - 2:00 P.M)**

- 1) Kut hnathawktute tân. Rinawm leh taima taka hna an thawh theih nân. Hrisêlna tha an neih theih nân. Mizoram mamawh tâwk leh thawn chhuah tham hial an thar/vulh/siam chhuah theih nân.
- 2) Sumdâwngtute (Business workers) tân. Thianghlim leh mâwi taka an sum dawn a, thil man dik leh mâwi tâwka an chhiar theih nân.
- 3) Contractor te tân. Development hna leh mipui tâna an hnathawh te endik tlâk leh hlêp uchuak neih tum lova ram tân an thawh theih nân. Contract hna thawk peih lova an hralh mai mai loh nân.
- 4) Mipuite vênghimtu leh dân leh thupêk hmangtu Police Department leh Excise & Narcotics Department te tân. Thamna leh zû le sa laka fihlîma dik leh fel taka mipui tân an thawh theih nân.

### **TAWNGTAI TAWI 6-NA (2:00 P.M - 2:30 P.M)**

- 1) Mipuiten rilru dik, mahni ram leh hnam duatna leh hmangaihna rilru kan neih theih nân.
- 2) Kan thing leh mau, lui leh boruak te, vantlâng thil te tichhe zâwng ni lova,neitu rilru pûa, humhalh a, vênghimtu, kan nih theuh theih nân.

- 3) Bawlhhlawh paih mai mai lova, a paihna hmun bika paih tlattu, kan ram khawtlâng faina leh thianghlimna vawngtu mipui kan nih theih nân.
- 4) Kan rama tlâwmngai pâwlte (NGO): YMA, YLA, MTP, MHIP, MCHP, LWA, MUP, LUP, MZP, MSU, MZI, ZDU te leh a dangte tân. Ram leh hnam tân tak tak Pathian zah tak chung a pâwl an kalpui theih nân.
- 5) Kan rama Kohhran hrang hrangten inpumkhatna leh thawh hona tha, inhriat thiamna kan neih zêl theih nân.

**TAWNGTAI VAWI 7-NA (DÂR 2:30 - 3:00PM)**

- 1) Mi tinten, mahni hlâwkna leh hamthatna chauh ngaihtuah lova, kan ram leh hnam hmangaihna leh siam thatna rilru tak tak kan put chhoh zêl theih nân.
- 2) Zirlai ten kan ram leh hnam tân, khawvêl el phaa thiamna tak tak nei tûra lehkha an zir peih ngei theih nân.
- 3) A bâk subject dang chu kal khâwmte'n thawh khâwm ni se.

Dated: 7<sup>th</sup> August 2024



(REV. R. LALBIAKLIANA)  
General Secretary  
Baptist Church of Mizoram